

CABINET
DYDD LLUN, 18 TACHWEDD 2024

PRESENNOL Cyngorydd D. Price (Cadeirydd)

Cynghorwyr (Yn y Siambr):

H.A.L. Evans	L.D. Evans	P.M. Hughes	A.C. Jones
A. Lenny	E.G. Thomas	J. Tremlett	A. Vaughan Owen

Cynghorwyr (Yn rhithwir):

G. Davies

Hefyd yn bresennol (Yn rhithwir):

Y Cyngorydd D.M. Cundy

Hefyd yn bresennol (Yn y Siambr):

W. Walters, Prif Weithredwr
J. Morgan, Cyfarwyddwr y Gwasanaethau Cymunedau
C. Moore, Cyfarwyddwr Gwasanaethau Corfforaethol
A. Williams, Pennaeth y Gwasanaethau Amgylcheddol a Gwastraff
O. Lloyd, Cyfarwyddwr Addysg, Plant a Gwasanaethau Teuluoedd
P.R. Thomas, Prif Weithredwr Cynorthwyol (Rheoli Pobl a Pherfformiad)
R. Edgecombe, Rheolwr y Gwasanaethau Cyfreithiol
A Thomas, Pennaeth y Gwasanaethau Addysg a Chynhwysiant
I. Boodeny, Swyddog Prosiect Datblygu Ysgolion
A. Carter, Rheolwr Trawsnewid a Newid Ysgolion
C. Higginson, Rheolwr Cyfryngau
L. Jenkins, Swyddog Cymorth y Cabinet
D. Hall-Jones, Swyddog Cefnogi Aelodau
J. Owens, Swyddog Gwasanaethau Democrataidd

Hefyd yn bresennol (Yn rhithwyr):

E. Evans, Prif Swyddog Gwasanaethau Democrataidd
S. Rees, Cyfieithydd Ar Y Pryd

Siambr, Neuadd Y Sir, Caerfyrddin, SA31 1JP - 10.00 - 10.42 yb

1. YMDDIHEURIADAU AM ABSENOLDEB

Ni chafwyd ymddiheuriadau am absenoldeb.

2. DATGANIADAU O FUDDIANNAU PERSONOL

Y Cyngorydd	Rhif y Cofnod	Y Math o Fuddiant
C.A. Jones	6. Deiseb i waredu cynlluniau i godi tâl am barcio ar lan traeth Llansteffan	Mae'n byw yn Llansteffan gyferbyn â'r Grîn. Caniatawyd gollyngiad iddi siarad a chyflwyno sylwadau ysgrifenedig ond nid i bleidleisio
A. Lenny	6. Deiseb i waredu	Mae aelodau agos o'r teulu yn

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

	cynlluniau i godi tâl am barcio ar lan traeth Llansteffan	byw ar y Grîn yn Llansteffan.
H.A.L. Evans	7. Polisi Dyrannu Tai Cymdeithasol Newydd	Chwaer y Cynghorydd Evans yw Prif Weithredwr Cymdeithas Tai Bro Myrddin.

3. I LOFNODI FEL COFNOD CYWIR COFNODION CYFARFOD Y CABINET A GYNHALIWYD AR Y 4YDD O DACHWEDD 2024

PENDERFYNWYD YN UNFRYDOL lofnodi bod cofnodion cyfarfod y Cabinet a gynhaliwyd ar 4 Tachwedd 2024 yn gofnod cywir.

4. CWESTIYNAU Â RHYBUDD GAN YR AELODAU

Dywedodd y Cadeirydd nad oedd dim cwestiynau â rhybudd wedi cael eu cyflwyno gan yr Aelodau.

5. CWESTIYNAU A RHYBYDD GAN Y CYHOEDD

Dywedodd y Cadeirydd nad oedd dim cwestiynau wedi dod i law gan y cyhoedd.

6. DEISEB - GAEL GWARED Â CHYNLLUNIAU I GODI TÂL AM BARCIO AR LAN Y MÔR YN LLANSTEFFAN

[NODIADAU:

1. Roedd y Cynghorydd A. Lenny wedi datgan buddiant yn y mater hwn yn gynharach; ailddatganodd y buddiant hwnnw a gadawodd y cyfarfod tra oedd yn cael ei ystyried.
2. Roedd y Cynghorydd A.C. Jones wedi datgan buddiant yn yr mater hwn yn gynharach; ailddatganodd y buddiant hwnnw. Fodd bynnag, ar ôl derbyn gollyngiad i siarad a chyflwyno sylwadau ysgrifenedig ar yr eitem hon ond nid pleidleisio, arhosodd yn y cyfarfod ond ni phleidleisiodd].

Croesawodd y Cadeirydd i'r cyfarfod Ms R. Worrell a oedd, yn unol â Rheol Gweithdrefn Gorfforaethol 10.16, wedi cael gwahoddiad i gyflwyno deiseb yn ymwneud â chynigion y Cyngor i gyflwyno taliadau ar lan traeth Llansteffan, fel a ganlyn:

“Rydym ni, y sawl sydd wedi llofnodi, yn deisebu Cyngor Sir Caerfyrddin i gael gwared â chynlluniau i godi tâl am barcio ar lan y môr yn Llansteffan (yn y maes parcio presennol a'r un newydd arfaethedig ar ochr ogleddol y Grîn).

Bydd newid y meysydd parcio ar lan y môr yn Llansteffan o feysydd parcio am ddim i rai sy'n codi tâl yn arwain at ganlyniadau andwyol pellgyrhaeddol ac anfwriadol. Bydd y rhan fwyaf o bobl yn parcio lle bynnag y gallant i osgoi talu. Ar ddiwrnodau prysur ac yn ystod y gwyliau bydd y syniad gwael hwn yn dinistrio

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

strïbed flaen y Grîn, yn tagu ffyrdd cyfagos, yn ei gwneud bron yn amhosibl i gerbydau brys deithio ar y stryd fawr, yn rhwystro mynediad i wylwyr y glannau ac yn effeithio'n andwyol ar fusnesau lleol. Gan nad oes unrhyw strategaethau ar waith i liniaru'r canlyniadau anochel hyn, dylid cael gwared â'r cynlluniau ar gyfer talu. Byddai dadansoddiad cost syml o fudd yn profi mai parcio am ddim yn Llansteffan fyddai'r opsiwn tymor hir gwell."

Amlinellodd Ms Worrell i'r Cabinet y rhesymau dros y ddeiseb a'r llofnodion gafwyd, a oedd yn adlewyrchu pryderon y gymuned ynghylch y cynlluniau.

Dyweddodd yr Aelod Cabinet dros Drafnidiaeth, Gwastraff a Seilwaith fod y ddeiseb wedi cael ei chyfeirio i'r Cabinet ar ôl ystyried y mater yng nghyfarfod y Cyngor Sir ar 11 Medi 2024 (gweler cofnod 14 ohono).

Dyweddwyd bod y Cyngor wedi cytuno ar gynnig o ran y gyllideb i godi tâl mewn 9 maes parcio ychwanegol yn y Sir o fis Ebrill 2025 ymlaen, yn unol â'i strategaeth ehangach i reoli adnoddau parcio yn effeithiol a chefnogi buddsoddiad mewn gwasanaethau lleol.

Er mwyn lliniaru unrhyw effaith negyddol ar ardaloedd cyfagos, darparodd yr Aelod Cabinet dros Wasanaethau Trafnidiaeth, Gwastraff a Seilwaith grynoded o'r mesurau i'w gweithredu gan y Cyngor, fel y manylwyd yn yr adroddiad, a oedd yn cynnwys y canlynol:

- **Arolygon Rheolaidd:** Cynnal arolygon rheolaidd i gasglu adborth gan breswylwyr, ymwelwyr a busnesau lleol am effaith y taliadau newydd.
- **Monitro Traffig:** Defnyddio monitro traffig i asesu newidiadau mewn patrymau traffig ac ymddygiad parcio ym Maes Parcio'r De.
- **Dadansoddi:** Dadansoddi unrhyw barcio mewn ardaloedd cyfagos a gweithredu mesurau lliniaru yn ôl yr angen, megis arwyddion ychwanegol neu orchmynion parcio ychwanegol.

Dyweddwyd bod y Cyngor wedi ymrwymo o hyd i gydbwysu anghenion preswylwyr, ymwelwyr a busnesau lleol gan sicrhau defnydd cynaliadwy ac effeithlon o'i adnoddau parcio. Gan hynny, bernid byddai cyflwyno'r taliadau parcio yn sicrhau tegwch ac yn cefnogi'r gwaith parhaus o gynnal a chadw'r maes parcio.

PENDERFYNWYD cytuno ar gynydd y Ddeiseb a gyfeiriwyd at y Cabinet gan y Cyngor Sir ar 11 Medi 2024.

7. POLISI DYRANNU TAI CYMDEITHASOL NEWYDD

[Sylwer: Gan ei bod wedi datgan buddiant personol yn yr eitem hon yn gynharach, gadawodd y Cyngorydd Hazel Evans y cyfarfod cyn bod y Cabinet yn ystyried yr eitem ac yn pleidleisio arni.]

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

I'w ystyried, daeth i law'r Cabinet y Polisi Dyrannu Tai Cymdeithasol newydd ar gyfer Sir Gaerfyrddin, fyddai'n cymryd lle'r Polisi Dyrannu Brys presennol a luniwyd gan Grŵp Gorchwyl a Gorffen y Pwyllgor Craffu Cymunedau, Cartrefi ac Adfywio yn 2023 i gefnogi'r galw digynsail am dai cymdeithasol yn y Sir. Mae'r Polisi yn nodi'r trefniadau ar gyfer sut byddai'r Awdurdod yn dyrannu tai cymdeithasol yn Sir Gaerfyrddin mewn ffordd deg a thryloyw.

Roedd y Pwyllgor Craffu Cymunedau, Cartrefi ac Adfywio wedi ystyried canfyddiadau'r ymarfer ymgynghori 12 wythnos a ddaeth i ben ddiwedd mis Mai 2024, ynghyd â'r polisi drafft, yn ei gyfarfodydd ar 8 Gorffennaf 2024 a 1 Hydref 2024.

Soniwyd wrth y Cabinet am y prif newidiadau oedd wedi'u hargymell i'r polisi newydd o ganlyniad i'r ymarfer ymgynghori, fel y manylwyd yn yr adroddiad ac a oedd yn rhan o'r Polisi newydd. Rhoddwyd sicrwydd bod y Cwnsler Cyfreithiol wedi craffu ar yr holl newidiadau, a wnaeth ganmol bwriad y polisi a'r cynllun yn gyffredinol.

PENDERFYNWYD YN UNFRYDOL gymeradwyo'r Polisi Dyrannu Tai Cymdeithasol newydd ar gyfer Sir Gaerfyrddin.

8. ADRODDIAD BLYNYDDOL GWASANAETHAU CYMDEITHASOL AWDURDOD LLEOL 2023/24 DRAFFT

Cafodd y Cabinet Adroddiad Blynyddol Drafft Gwasanaethau Cymdeithasol yr Awdurdod Lleol 2023/24.

Roedd yr adroddiad wedi'i ddatblygu'n unol â'r gofyniad statudol i Gyfarwyddwr y Gwasanaethau Cymdeithasol adrodd yn flynyddol wrth y Cyngor ar berfformiad yr ystod gyfan o wasanaethau cymdeithasol a'r modd y cânt eu darparu, yn ogystal â chynlluniau ar gyfer eu gwella. Roedd yr Adroddiad Blynyddol yn archwilio pob maes gwasanaeth o fewn Gofal Cymdeithasol ac yn dangos sut yr eid i'r afael â strategaethau, gweithredoedd, targedau a risgiau'r gwasanaeth a sut y byddai'r gwasanaeth yn darparu'r rheiny ar sail y gyllideb a gymeradwywyd.

Wrth ystyried yr adroddiad, diolchodd y Cabinet i'r staff oedd yn gweithio ar draws y gwasanaethau iechyd a chymdeithasol am eu cyfraniadau rhagorol yn y maes hwn.

PENDERFYNWYD YN UNFRYDOL ARGYMELL I'R CYNGOR fod Adroddiad Blynyddol Gwasanaethau Cymdeithasol Awdurdod Lleol 2023/24 Drafft Sir Gaerfyrddin yn cael ei gymeradwyo.

9. ADRODDIAD MONITRO CYLLIDEB REFENIW Y CYNGOR

Bu'r Cabinet yn ystyried adroddiad monitro'r gyllideb refeniw a oedd yn rhoi'r wybodaeth ddiweddaraf am y sefyllfa gyllidebol fel yr oedd ar 31 Awst 2024, o ran 2024/2025.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Yn gyffredinol, roedd yr adroddiad monitro yn rhagweld gorwariant ar gyfer y flwyddyn ar lefel adrannol o £19.5m yn cynnwys cyllidebau ysgolion, ac yn rhagweld gorwariant o £10.2m ar gyllideb refeniw net yr Awdurdod. Ar lefel uchel, roedd y gorwariant, ar y cyfan, i'w briodoli i ddiffygion cyllideb ysgolion, pwysau pellach o fewn y gwasanaethau plant, lefelau uchel o alw a chymhlethdod o fewn gofal cymdeithasol i oedolion.

Mae'r cyfrif Refeniw Tai a nodir yn Atodiad B yr adroddiad yn rhagweld gorwariant o £1.975m ar gyfer 2024/25. Roedd y Cabinet yn cydnabod y gwaith parhaus i reoli'r sefyllfa wariant ac yn nodi byddai'r sefyllfa'n cael ei hadolygu wrth i'r materion sylweddol a nodwyd ddod yn gliriach o safbwynt ariannol.

PENDERFYNWYD YN UNFRYDOL:

- 9.1 derbyn yr adroddiad monitro'r gyllideb, a nodi'r sefyllfa gyllidebol a'r camau unioni priodol a gymerwyd;**
- 9.2 o ran gorwariant sylweddol ar feysydd penodol o'r gyllideb, bydd y Prif Swyddogion a'r Penaethiaid Gwasanaeth yn adolygu'n feirniadol yr opsiynau sydd ar gael iddynt er mwyn mynd i'r afael â'r effaith barhaus ar draws adrannau ac ysgolion.**

10. DIWEDDARU RHAGLEN GYFALAF 2024/25

Cafodd y Cabinet adroddiad a oedd yn rhoi'r wybodaeth ddiweddaraf am y sefyllfa gyllidebol ar gyfer rhaglen gyfalaf 2024/25, fel yr oedd ar 31 Awst 2024 gan fanylu ar y prosiectau newydd a'r trosglwyddiadau ariannol i'w nodi a'u cymeradwyo gan y Cabinet. Roedd yr adroddiad yn nodi gwariant net a ragwelir o £110,557k o gymharu â chyllideb net weithredol o £138,329k, gan roi amrywiad o -£27,772k.

Roedd y gyllideb net yn cynnwys rhaglenni cyfalaf gwreiddiol y Cyfrif Refeniw Tai a'r Gronfa Gyffredinol a gymeradwywyd gan y Cyngor Llawn, a llithriad o 2023/24. Roedd rhai o'r cyllidebau hefyd wedi cael eu diwygio yn unol â'r gwahaniaethau yn y dyraniadau grant gwirioneddol o gymharu â'r dyraniadau disgwylidig pan gafodd y rhaglen ei chymeradwyo, a grantiau newydd oedd wedi dod i law yn ystod y flwyddyn hyd yn hyn a'r trosglwyddiadau ariannol a gymeradwywyd.

Roedd Atodiad B i'r adroddiad yn nodi'r prif amrywiadau ym mhob adran.

Roedd yr adroddiad yn manylu ar y prosiectau a'r trosglwyddiadau ariannol newydd i'w nodi a'u cymeradwyo ar gyfer y flwyddyn bresennol.

PENDERFYNWYD YN UNFRYDOL:

- 10.1 bod diweddariad rhaglen gyfalaf 2024/25 yn cael ei dderbyn;**
- 10.2 bod y prosiectau newydd, fel yr oeddent yn yr adroddiad, yn cael eu nodi a'u cytuno.**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

11. **FERSIWN DDRAFFT STRATEGAETH Y RHAGLEN MODERNEIDDIO ADDYSG**

Cafodd y Cabinet, i'w hystyried, y fersiwn ddrafft o Strategaeth y Rhaglen Moderneiddio Addysg a ddarparai raglen fuddsoddi a threfniadaeth ysgolion yn unol â Rhaglen Cymunedau Cynaliadwy ar gyfer Dysgu Llywodraeth Cymru.

Roedd Strategaeth y Rhaglen Moderneiddio Addysg wedi cael ei chymeradwyo gan y Cabinet yn ei gyfarfod ar 29 Ionawr 2024 (gweler cofnod 7 ohono) a chynhaliwyd ymgynghoriad cyhoeddus llawn rhwng 12 Chwefror 2024 a 13 Mawrth 2024 i gasglu barn yr holl randdeiliaid am y fersiwn ddrafft o Strategaeth y Rhaglen Moderneiddio Addysg. Yng ngoleuni'r adborth i'r ymgynghoriad, gan gynnwys ystyriaeth gan y Pwyllgor Craffu Addysg, Pobl Ifanc a'r Gymraeg yn ei gyfarfod ar 26 Mehefin 2024, adolygodd y Cabinet y newidiadau canlynol i'r Strategaeth fel y manylir yn yr adroddiad:

- Diwygiad i'r geiriad sy'n ymwneud ag Egwyddorion Addysg Gynradd Sir Gaerfyrddin
- Ychwanegu Atodiad 2 – Rhagdybiaeth yn erbyn cau ysgolion gwledig
- Awgrymir hepgor/diwygio'r geiriad mewn gwahanol adrannau o Strategaeth y Rhaglen Moderneiddio Addysg i'w wneud yn fwy cryno, dileu ailadrodd a sicrhau ei fod yn berthnasol i'r Strategaeth
- Siart Llif Eglurhaol Ddiwygiedig ar gyfer Adolygiad Strategol a Chynigion Statudol

Diolchodd y Cabinet i'r swyddogion oedd ynghlwm wrth ddatblygu'r strategaeth a phwysleisio'r angen i Lywodraeth Cymru ddarparu strwythurau ariannol priodol i alluogi'r Awdurdod i ddarparu addysg o safon uchel, o dan arweinyddiaeth gref yn yr adeiladau gorau posibl, gan weithredu o fewn cyllidebau digonol.

PENDERFYNWYD YN UNFRYDOL gymeradwyo'r Fersiwn ddrafft o Strategaeth y Rhaglen Moderneiddio Addysg.

12. **UNRHYW FATER ARALL Y GALL Y CADEIRYDD OHERWYDD AMGYLCHIADAU ARBENNIG BENDERFYNU EI YSTYRIED YN FATER BRYN YN UNOL AG ADRAN 100B(4)(B) O DDEDDF LLYWODRAETH LEOL, 1972.**

Dyweddodd y Cadeirydd nad oedd unrhyw eitemau eraill o fater brys.

CADEIRYDD

DYDDIAD

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf